

Abraham tabata un **Hebreo**. **Abraham** su yu **Izaak** tabata un **Hebreo**. **Abraham** su nietu **Jakòb** tabata un **Hebreo**. Awèl ora **Jakòb** a lucha ku **Dios Tata**, **Dios Tata** a kambia su nòmber i yamá **Jakòb** awor **Israel**. E diesdos tribunan di **Israel** tabata desendentenan **Hebreo**. Un di e diesdos tribunan aki tabata **Hudiu** i **Kristu, Mesias** a bini di e liña **Hudiu**, es desir un **Hebreo** (**Hebreonan 3:5-6**).

E fundadónan di **Kristianismo** i tur e **disipelnan** i **siguidónan** ta derivá di **Israel**, tur tabata kere e **Esritura di Israel**, tur tabata komuniká e palabra di **Dios Tata** i tabata **komprené kompletamente Hudaismo**, ku ta **Hebreo**. Meskos ta konta pa **Islam**. **Islam** ta derivá di **Israel**, tur tabata kere e **Esritura di Israel**, tur tabata komuniká e palabra di **Dios Tata** i tabata **komprené kompletamente Hudaismo**, ku ta **Hebreo**. Tantu **Kristianismo** komo **Islam** ta wardando riba nan **Mesias, Kristu**, un **Hebreo** (**Hebreonan 1:2-3**).

E **Tèstament Nobo** ta konsistí di bintishete buki. **Pablo; Sha'ul** ku ta su nòmber **Hudiu, Hebreo**, a skirbi diestres di e bukinan di **Tèstament Nobo**. E sobra dieskuater bukinan di **Tèstament Nobo** tambe a wòrdu skirbi dor di hòmbènan **Hudiu, Hebreo**. Tur e 4 **Evangelionan** ta **Hudiu, Hebreo**, henter e **Tèstament Nobo** ta **Hudiu, Hebreo**. Es-desir ora un hende **kombertí**, e ta **kombertí** i bira un **Hudiu, Hebreo**, pasobra e **Evangelio, Enseñansa, Torah (Lei)** ta **Hudiu, Hebreo**. For di den **Tèstament Bieu** hende tabata **kombertí** i e tabata **kombertí** i bin bira parti di e **Reino di Dios di Israel**, manera **Mesias, Kristu**, un **Hebreo** (**Hebreonan 7:17-21**).

Debí na e divishonnan di añanan, e **Tèstament Nobo** hopi biaha no ta wòrdu **komprené kompletamente** manera tabata e intenshon di e esun-nan ku ta e **outornan** òf mihó bisa e **disipelnan Hebreo**. E **disipelnan Hebreo** tabata mira loke nan a skirbí; **Tèstament Nobo**, komo e **Torah (Lei)** di nan **Mesias, Kristu**, un **Hebreo** (**Hebreonan 8:8-13**).

Masha poko biaha un frase den **Tèstament Nobo** por ser **komprené kompletamente**, ku tur su **nifikashon**, sino tin saber di loke tin skirbi den **Tèstament Bieu**, for di unda e frase aki ta originalmente. Asina ta ku sin **investigashon ekstenso i profundo** di e frase aki den **Tèstament Bieu**, tokante e **praktiká i kreensia** den **Torah** i e **propósito**, no por **komprené kompletamente** loke tin skirbi den **Tèstament Nobo**, manera ta e intenshon di **Mesias, Kristu**, un **Hebreo** (**Hebreonan 10:14-17**).

Kristu, Mesias un **Hudiu, Hebreo**, no a bini na mundu **pa kambia, pa abolí** òf **pa pone un fin** na **Siñansanan** di e bukinan di **Lei (Torah)** i di e **Profetanan**, al kontrario **Kristu, Mesias** un **Hudiu, Hebreo**, a bini pa na mundu pa nos por **komprené kompletamente**, tur e **nifikashonnan berdadero** di e **Torah**. Asina ta ku ora un hende **kombertí**, e ta **kombertí** i bira un **Hudiu, Hebreo**, pasobra e **Evangelio, Enseñansa, Torah (Lei)** ta **Hudiu, Hebreo**. Un persona **Hudiu, Hebreo** no por **kombertí**, pasobra e ta **yu legítimo** kaba komo un **Hudiu, Hebreo**. Ta e **yu djafó, adoptá** por **kombertí**. Awèl ora un persona **kombertí**, e ta **kombertí** i bin bira parti di e **Reino di Dios di Israel** (**Hebreonan 12:4-8**).

Laga nos komo **yunan djafó, adoptá kombertí** i bin den e **Reino di Dios di Israel**, awor ku e **Dios di pas, Dios di Israel** a lanta for di e mortonan e gran **Wardadó** di e karnénan dor di e **Sanger** di e **Aliansa Eterno; Mesias, Kristu**, un **Hebreo**. Laga nos **Señor**, ekipá nos pa hasi **Dios di Israel Su Boluntad** den tur kos bon, obrando den nos loke ta **Agradabel** den **Dios di Israel Su** bista, dor di **Mesias, Kristu**, un **Hebreo**. Na **Mesias, Kristu**, un **Hebreo** sea tur **Honor i Gloria** te den eternidat. Amèn (**Hebreonan 13:20-21**).

28 Oktober 2016,
Sea Bendishoná den e Amor di Yeshua Mesias
Rev. Remsly L Riley